



Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 44. Imperatoris petitum de puniendo Marco Ephesino.

[urn:nbn:de:hbz:466:1-66426](#)

§. XLIV.

Sæcul. XV.

A.C. 1439.

Imperatoris petitum de puniendo Mar-
co Ephesino.

Marcus Ephesinus hac citationis sententia velut fulmine iactus, ac exauctorationis suæ poenam veritus, Imperatori supplex, ac lacrimis perfusus accidit, rogans, ut sibi induciæ concederentur, atque ætatis suæ decrepitæ ratio habetur, nec Cæsar famam, suique nominis honorem publicæ ignominiae exponi patet, præcipue coram universo Latinorum coetu, qui sibi insolentius illudarent, si adeo probrosoe palinodiam canere cogeretur. Imperator alienæ miseriæ compati suetus, Marci fletibus se vinci passus est, rogavitque Episcopos, ut ejusdem verecundiæ parcerent, de cetero certi sint, se simul ac Constantinopolin redierit, auctorem fore, ut cum reliquis & ipse Marcus unionis decretum manu sua firmare compellatur. Verum dicta non probavit eventus.

§. XLV.

Papæ consilium de eligendo Græcorum Patriarcha.

Pontifex ardentius præ ceteris Græcos stimulabat, ut antequam discederent, in locum Josephi fatis functi, quemcumque vellent, Constantinopolis Patriarcham eligerent, quem ipse confirmare, atque